

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 775 del 03/04/2025

Zo macha hârn di zettln iz möglich rispundarn atz ainfachege vorsch sin atz 15 von madjo afte websait Yoalin

Di djungen khennen di alpinar redjongen pitt Arge Alp un Yoalin: ma gebinnt 150 zettln Interrail

[Cimbroy Vo Tria atz Innsbruck un sin auz in di Svaitz, pasarante durch München in Baviara un dena atz Lione un bidrûmm, durch Milân: disar iz lai ummadar von viazan boma mage machan pittnan uantzegen zettln Interrail, boda zuargitt zo riva in 33 State un 30.000 stattn un lentar pittnan uantzegen aisanpân pass, viazarante durch di alpinar redjongen. Pinn prodjêkt Youth Alpine Interrail (Yoalin) vodar internatzional Komisiong zo Schütza di Alpm (CIPRA) di djungen zbisnen in 18 un in 27 djar mang gebinnen 150 Interrail Pass zo nütza auz pan summer 2025: sintzekh vo disan zettln soin hintargehaltet vor Arge Alp, da arbat Kmòuschaft boda lekk panândar zen alpinar redjongen. 'Z zil iz daz sèll zo macha gevalln mearar di öffentleschen traspòrte un schupfan zo viazara haltante kunt ke ma mocht schoanen di umbèlt un ke ditza tarft khemmen gelirnt sin vo djüngom au.

Zo maga gebinnen di zettln iz genumma rispundarn atz ainfachege vorsch boma vennt afte websait www.yoalin.org von 2 von abrèl vort, sin atz 15 von madjo 2025. Ma bart machan a "reklâm early bird", boda bartn khemmen gezoget 50 zettln zbisnen alln in sèlln bodase bartn innschraim vor atz 21 von abrèl 2025. Berda gebinnt bart khemmen gerüaft zo nemma toal atz mearare evente in mearare alpinar redjongen nâ in prodjêkt boda iz khent augelekk.

Berda viazart pitt Yoalin bart mang nemmen toal dar nètzn un stian pittnândar in okasiong vodar öffnung von prodjêkt bodase bart haltn in di tang von 14 sin atz 16 von prachant atz Poschiavo in di Svaitz un in ândre trèff bodase bartn haltn hêrta in di lentar von Alpm. Darzuar bartnsa khemmen geschupf auzokontâra soine esperientzan pitt foto un tagepuachan, gebante asó a hânt zo pezzra no mearar in prodjêkt. Di pestn esperientzan bartn nemmen toal in an konkurs un barten khemmen zuargètt a prais in an event bodase bart haltn von 24 sin atz 26 von bimmat 2025 in Berna. Zen toalnemmar von redjongen Arge Alp, darzuar, bartn mang kontârns soine esperiantzan in djarege Forum Eusalp atz 25 von bintmânat 2025 atz Innsbruck.

Di toalnemmar mang hârn nützliche empf lung vor di viazan bosa bölln machan vodar community von sèlln boda sa hârn viazar pitt Yoalin, boda darzuar mangse vüarn z'sega di sachandarn in zèrte redjongen un zo bizzasan mearar iz genumma gian afte websait sito <https://www.yoalin.org/>.

Yoalin iz an initziatîf vodar Internatzional Komisiong zo Schütza di Alpm un von soin konsultîf Rat von djungen boda au iz sidar 'z djar 2018. Darzuar Arge Alp, dar prodjêkt iz finantzièll augehaltet vodar Konventzion von Alpm in di Svaitz un in Österraich un vodar Stiftung Klima Now. Arge Alp hatt sa gehatt genump toal in prodjekt in di djar 2021 un 2022. Di öffnung vo Yoalin izzese gehaltet atz Landeck balda soin khent gevairt di 50 djar sidar azta iz khent augelekk Arge Alp 'z djar 2022.

Arge Alp in an arbat kamòuschaft augelekk atz 12 von bimmat von djar 1972 atz Mösern, in Tiról, pinn zil z'arbata übar tème boda ågian alln un boda innvånk schiar 26 mildjü laüt. 'Z nemmnda toal in Arge Alp, 'z Taütschlånt pinn Frai Stato vodar Baviara, 'z Österraich pinn Länder Vorarlberg, Tiról un Salzburg, 'z Beleschlånt pinn zboa autonome Provintzan vo Poatzan un Tria un pittar Redjong Lombardia, di Svaitz pinn Kantöü Graubünden, Saknt Gallen un Tessin.

Da gekhluppet: dar plakàtt.

Übarsetzt von Schaltarle vor di zung von Toalkamou vodar Zimbar Hoachebene

(cdt)